

nūshimt gū al gaudumsh haigut ga, shim hazukshum hoigiagun niwālda gwit alth ma shim damanukum gaudum wilāgwut; alth lipgeluksh dapsha shim, op za dī līgi shpaltgaudk ga shim.

2 Shim nawilwalli na balgiakshgum wilwāl nagazāou shimt, ada nini ma dum shim wil lūhoigiagunsh ga wilalautk gish Christ ga.

3 Awil amiza haligauldth giada za wit nā,ash niat, da al what nā dit, lipgeluksh yāmukshit.

4 Ada al ām dumt shimzūkhsh lagal da nashim gagaul da giada n'lip halthasha dit, ada nini dum da kshtiyāwuk dit ā wila wāsh kshat lip niadit, ada al ainalth nishta-gaulth.

5 Awil dumt lip wālī da nashim gagaul da giada nha lip wālī dit.

6 Niadit gū na shūwilaigiamuksha dit ash ga algiakt ga, ām dum bashagunshk ga dida tkāuī ama gau dash niat gū shūwilaigiamgushk ga dit.

7 Gilau lipgeluksh sha gish ga shimt, althga dī nishgatg ga dī ash ga Shimoigiat ga Lakāga; līgi gau ā guliamuksha giadit nini dum dī gūel dit.

8 Awilt nā guliamuksha dida n'lip shame dit dum gūel dida loga da shamet; ada alt nā guliamuksha da dash ga Haik ga, dum gūel da whati shābām gundidōlshīt ash ga Haik ga.

9 Ada shū'unza wha gashūnāltham ā ama halthalsht āwilt dup dum gūel dida zida ltha lūhoigiatk zida wha shikshquaiyim.

10 Ashi lūaklth ga dum wālum, shū'unza wālum ā ām dit ā tkānīgia-dit, ada shimmish dupniat gū nagazāou wilnadaltha gashimhoudiksha dit.

11 Nīaza shim shga līklēksha damishū dā gwashim ā lip anonūt.

12 Shgabō hashaga dida dum wālumsh āmtk ga dida shamet nini t'in maugun shim da dum gacircumcise shimt āwilt am op za hakhāk ga da zit lūshūwilt dalth wila wāsh ga na guzāksh Christ ga.

13 Awil dupniadit gū gacircumcise a dit althga dit lip dukiāgwush ga wilalau ga; ada yagāi hashak dida dum gacircumcise shimt dum am wil gun kshtiyāwuk dida ga shame shimt.

14 Al gau za gun-dī kshtiyāwagāi amuksha ninish ga na guzāksh ga Miyānum gut Jesus Christ ga, gū nini dī wil lizaqsha halizoga dā goi, ada dī wālt dā halizogat.

15 Awil althga dī gau ā circumcison, līgi wha circumcisiōnt, gup shū zapshit.

16 Ada shgabō t'in yāka aiyāougushkgagwa, dilt h na Israeltk gish ga Shimoigiat ga Lakāga, giaksha dish dupniat, dilt gumgaudit.

17 Wāt k ga dida gīaōn ām dum what lūshawantk ga dat ligit nā gaudūt: āwilt shimgit tkul-giltgelthkshish ga na shmlaiduksh Jesus ga tkamauyūt.

18 Dum hokshk gaga na āmsh ga Miyānum gut Jesus Christ ga na gahaik ga shimt, waikia. Amen.

Cr
gr
ā
dī
Je

ks
Le
gr

ga
nū
ir
ga
Ch

kn
dh
dū
gis
shū

ga
sh
Ch
an

ho
gu

ash
ga
wī
gu
gu